

Die Erderwärmung hott aach ihr Gudes

Letzt Woch hawwe merr widder emol bei Kaffee unn Kuche sesommegetsetze, de Karl, de Schorsch, unser Mädcher unn ich. Unn wie dess so iss wennis in Flerschem nix Neies gibt außer de Umgehungsstroof, hawwe merr iwwer dess geschwätzt, was in de letzt Zeit jeden Daach in de Zeidunge steht, nämlich dass die Erd immer wärmer werdd.

Merr siehts omm November, hott moi Fraa gemoont, der iss joo so warm wie sunnst noch nit emol de Oktower war, unn deshalb hawwe die gonz Zeit aach noch so vill Blätter on de Beem gehonge. Wenn noch drei Monat erum sinn, misse schunn widder neie Blätter kumme, koo Wunner, dass die Beem immer kränker werrn, die halle so enn Stress aach nit long aus.

De Karl hott ihr Recht gewwe. Ess iss werklich nit normal mettem Wedder. Awwer no ja, so longsom merke aach die Politiker unn die Wissenschaftler, dass was geeche die Erwärmlung von de Erd gemacht werrn muss. Deshalb hawwe die vorsch Woch sechsdausend von dene in Nairobi sesommegetsetze unn doodriwwer berate.

Ess Kättche hott geschennt. Berate, ja. Unn was hawwese beschlosse? Sie hawwe beschlosse dass was gemacht werrn muss, awwer noch nit gleich. Weil erst misse noch in de nächsde Johnn hunnert Millione Benzin- unn Dieselautos unn zwonsichdusend Fluchzeuche gemacht werrn unn wenn die gemacht sinn dann werdd immer noch nix gemacht.

Doch werdd was gemacht, habb ich gesacht, habbderrs dann nit gelese? Uffem Gelände von de Farbwerk hawwese e Wasserstoff-Tonkstell oigericht unn ich habb im Fernseh geseh, dass dess, was hinne außem Auspuff vom Audo kimmt, dass dess nix als Wasser iss, was merr sogar trinke kann. Ich denk, wenn dess mettem Wasserstoff mett aller Wucht dorchgesetzt werdd, iss die Welt noch ze redde.

De Karl hott mettem Kopp gewackelt. Ja, awwer de Wasserstoff muss doch aach gemacht werrn. Doodeferr soll joo sovill Energie gebraucht werrn wie noochher gar nimmi erauskumme kann, also iss dess aach nix.

Ich habb abgewunke. Dess iss widder mol so e Argument von de Griene, weil die sinn geeche de Wasserstoff. Awwer die missde longsom kapiern, dass die Leit iwwerall uff de Welt, aach die Chinese, halt nit mettem Fahrrad, sondern mettem Audo fahrn wolle. Also muss merr so mache, dass die Audos mett Wasser, also mett Wasserstoff fahrn könne. Unn merr brauch doodeferr koo Öl unn koo Gas unn koo Atomkraft, wenn merr den mett Solarzelle herstelle dut, genuch Licht von de Sunn hawwe merr unn wennis in de Sahara iss.

Die Paula frächt de Schorsch: Schorsch, was moonsden du, du sächst joo gar nix.

Dess Kättche hott de Paula Ontwort gewwe. Von dem werrde nix doodezu heern, guck doch wie der die gonz Zeit schunn grinse dut. Ich waaß was der denkt.

Ei was denken der?, frächt die Paula.

Dess Kättche druff: Der denkt schunn die gonz Zeit, die Erderwärmung hott aach ihr Gudes. Sunnst det merr sich nit sovill Gedonke mache um de billiche Wasserstoff.

Die Paula hott nit locker gelosse. Unn deshalb grinst der die gonz Zeit? Will der sich so e Audo kaafe?

Ess Kättche hott de Kopp geschittelt. Naa, dess nit, awwer de Schorsch denkt, wenn de Wasserstoff so billich werdd, dann werrn widder mehr Hoorn gebleicht unn dann gibts widder mehr Blondine, die siehder doch so gern im Fernseh. Eiern Honnes